

偃師金石遺文補錄

假師金石遺文補錄卷五

邑人武億虛谷原纂

秀水王復秋厓續補

唐

萬年縣令徐昕碑

佚

金石錄韓雲卿撰韓擇木八分書李陽冰篆大歷四年三月

復案府志引金石錄僅存其目今依趙氏跋尾補之云昕爲并州錄事參軍相國姚元之爲法曹咎部人

部人誣狀反上天后臨朝方樹刑威詔公見假風憲  
然後按詰公表直元之則天大怒將貽鼎鑊終能犯  
顏曉辨正刑而出果如雲卿所書斯可謂賢矣而唐  
史不載其事因爲錄之斯者有功從弟其忠厚之性  
固宜異于他人也

故銀青光祿大夫彭王傅上柱國會稽郡開國公贈太  
子少師東海徐公神道碑銘

并序

稱正書貞元十五年十一月舊在縣西溝口頭今移  
置明倫堂

朝議郎守河南少尹飛騎尉賜緋魚袋張式撰

次子朝口郎口書并篆額

金石錄彭王傅徐浩碑張式撰次子峴正書貞元十  
五年十一月

通志金石略彭王傅贈太子少師徐浩碑次子峴書  
惟天陰隲下土恢宏相導降聖啟運生賢佑時猶三光  
五行晷度盈缺之無僣侯也當元宗開元口後景化昭  
融選建明德大旌文學肅宗嗣位首革艱運方用大刑  
盪穢口口則武功口難議獄緩死濟缺今上纂丕圖參  
任二柄以康兆億會稽公歷奉四后周旋五紀各因其  
會振耀長才有口口皇猷之口口納口之直口口口

流之口威懷口德之重故外統缺亞豕卿開國承家分

口口口所不至者未昇鼎司儒流展用亦已厚矣公姓

徐氏諱浩字季海東海郟人隋杭州錢塘縣令澄之元

孫皇朝逸人敬之曾孫口州九隴縣尉贈吏部侍郎師

道之孫銀青光祿大夫洛州刺史贈左散騎常侍嶠之

之子稟命於天稟訓於先稟氣於山川國器斯全輔之

沈研無得而口鬱爲通賢年十五究經術首科昇口始

補汝州魯山主簿口口口時論稱之無何缺賢殿口大

學士燕國公說文之滄溟開代宗師嘗覽公應制喜雨

賦及五色鴿賦兼和製等詩曰後進之英今知所在賞

嘆不足口爲上聞賜帛口口口依聲播於樂府無翼  
而飛遽時口是愛其才口其用始終口之進太子校書  
集賢殿待詔改鞏縣尉尋拜右拾遺張守珪之節制幽  
薊恩冠諸侯欽承盛名持口幕賓陳乞優遂其請口口  
口口口口常待府君憂服除補京兆府司口參軍缺茶  
蓼口濱於口無復宦情既口逾年勉從親故之諭起就  
常調授河南府司錄轉河陽令先是有曖昧疑獄繫囚  
六十人公下車鏡照一口塵光猶缺熙熙如也桐鄉遺  
愛碑缺太子朝議郎東都留守王仁辟從其事有河清  
俚人僞作符命理深谿而表異滋拱木以徵年然後假

獻歲之辰矯元元之誥審缺得之益□□□癸丑缺

祚聖難以缺臣既說於聽聞史筆方裁□間□公明徵

篆□立辯乖訛正大謬於已然折羣言於獨□既而致

詰悉驗其姦遷金部員外郎轉都官郎中充廣南□□

□□□□□求成俗事多詐□吏亦缺信義必行於

夷獠廉平可動於鬼神五嶺百越頌聲四合同請方面

請建旌德碑都督張九皋為之飛章朝議以為主聖臣

忠缺人到於今歌之轉刑部郎兼司農少缺轉兵部缺

幽陵始禍寓縣興師公以官在職司志當靜亂馳驛詣

闕陳謨納忠度向背於兵鋒算隄防於地理慮先物□

機變

缺

天子□□□□大任奸臣忌害

缺

刺史建席

路聖情追寤念剪桐之信□剖竹之非輕乃加本州  
防禦使賜金印紫綬及京師失守翠輦西巡成都築受  
養之宮□□舉□□之利

缺

公詣行在所拜中書舍人

集賢殿學士時變輿未復鶴詔急□尤資倚馬之能多  
類奮鞭之速公虔恭法□咫尺天顏握管風生落賤泉  
酒皆如響□□特邁詞鋒上奇其才謂□□□本官

兼尚書右丞封會稽縣開國子喪亂旣平皇極反正輔  
宣天子之孝奉揚君父之慈元宗降□感光□之誥肅  
宗獻至道□□之

缺

宮之

缺

反三接之恩獨以□文□

陳□□前代文□之盛孰可儔其類歟當時以陷賊衣冠正名同惡百辟會議三司定刑其徒三千將置重典公上引大易三驅□□□惟輕之義□□□□□於輦轂太□准罪幽人越□□□□□□議誅元惡而□國章有素故事斯在詞簡理要端如貫珠百寮傾聽無復異論廷諍三進竟獲減論李輔國憑寵恃勳台臣□□有命將授左散騎常侍□□□公敷陳敗由官邪名不可假登□之地從顧問之□授非其人期不奉制有命改授大詹事且曰將來命官若此者皆許以聞然蹇諤之誠幸伸於一□而浸潤之譖□中於多□

除國子祭酒遂貶廬州長史代宗踐祚公論勃興追復  
中書舍人加銀青光祿大夫集賢殿學士副知院事尋  
遷工部侍郎楊春微病久政歿於南海馮崇道陰紆伺  
口盜據新口以爲缺公口可拜嶺南道節度觀察等使  
兼御史大夫公折簡飛書先明大信順流鼓口以示不  
疑見善者皆曰此選補徐郎中之名也父母至矣復何  
所求旣而傾巖洞以請命缺祥風蕩其缺後缺來年有  
吏部之并復兼集賢學士嘗領東都選務銓筭舉科凡  
百其流狀奇者一人而已比居宰輔口口餘年卽口相  
口口公其人焉洞鑿深識皆此類也而玉口德服不掩

瑜口執法者所繩又黜口州別駕皇上帝寶位徵拜彭  
王傅加會稽郡開國公食邑二千戶觀風儀之可法惜  
春秋之已暮口口口口欲以論道之口處之其明年  
薨於長安天寧里之私第享齡八十告第加等贈太子  
少師口焉公理義之與中和所蘊智用顯晦行茂家邦  
班固謂口仲口公孫宏倪寬以儒術通世務缺媿於前  
賢先府君擅書嘗授筆法洒然罔倦草隸兼優開元天  
寶之間傾玉帛刻琬口者一門二妙而已議無優劣以  
王右軍父子擬焉始自登朝口爲中書令張曲江所器  
口口定口不復以禮口口懷故當代英達孰非交友口

□□□自我吹噓所以累登石渠再踐西□入更臺省

出擁旌旄九遷而碩望彌高三黜而輕痕不汗實實本

未信中庸之君子歟公以建中三年四月二十五日

卽以其年十一月葬於東都偃師縣先塋之左缺貞元

十五年嗣子□罷宰王畿之新安璉為太府法曹掾璫

致舉進士未第伯仲之存者四人現嘗以家傳遺文俛

叙其志曰史諫藏□諸□府墓阪間於幽□惟世□上

隱□楸未表紀功行於金石標九□於百代朝建夕隕

□□無恨國有干戈之故家有□□之戚□願未就垂

二十年辭將涕從禮以情激則聖人所謂揚名於後代

以顯父母者揚已之美與揚親之美俱孝子也其口先  
口顧口口寂之請口口口口之效銘曰

東南有截強霸者越中蟠會稽旁浸海浙含風蘊玉浴  
日孕月象合粹靈氣生才哲才哲伊何惟會稽公克口

克口克口克忠鍾口宏謀王謝高風實探其奧實口其

口其缺直明邁溫重威儀柳缺乃辯姦諂羣疑去賊載

讞典刑刀鋸滅息內外更踐卑高稱職績著縑緡愛留

邗國其會稽之交代天爲言藻繪皇猷恢宏口化口口

和變口口澤仲寬邃劇口塞疾口雷口宣明日月贊翊

乾坤煥暢大號親親尊尊草隸兼善鍾張抗論一臺二

妙獨耀吾門

其

會稽之武非謂暴虎建旆鞠旅往綏南

土南土兇殘民痛里殫盜邑乘城餘孽□□于以代起

推誠靖亂□謂授戈我其揮翰翰墨所經人胥輯寧其

會稽之終翰墨其空宸展軫悼邦人輟春楛模遺革景

行中庸大雅道喪誰其發蒙我周之東天地之中邛洛

□背□□會通故塋新壟□□□勒石播德悠悠不

第其貞元十五年歲次己卯十一月辛丑朔二十四日

□子建

表姪前河南府參軍張平叔題諱

億

案碑刻缺不完今依其可見者云浩東海郟人考

唐書浩本傳作越州人地里志剡雖屬越然遠以越  
概包之剡縣不若此碑爲紀實也碑書其上世有隋  
杭州錢塘縣令澄之元孫皇朝逸人敬之曾孫口州  
九隴縣尉贈吏部侍郎師道之孫銀青光祿大夫洛  
州刺史嶠之之子地里志九隴屬彭州此碑州字上  
缺字宜作彭碑叙浩歷官有進太子校書集賢殿待  
詔改鞞縣尉尋拜右拾遺傳旣不悉載而下遂云進  
監察御史襄行辟幽州張守珪幕府歷河陽令以碑  
證之張守珪陳乞優遂其請進監察御史授河南府  
司錄轉河陽令則進監察御史在應辟以後而傳書

在前又不言授司錄皆史文之疎也碑又叙遷金部

外轉都官郎中

缺

有嶺南請建旌德碑與史爲嶺

南選補使合下又叙轉刑部郎兼司農少卿又轉吏

部

缺

幽陵始禍寓縣興師加本州防禦使賜金印紫

綬

缺

拜中書舍人集賢兼尙書右丞封會稽縣開國

子代宗踐祚

缺

中書舍人加銀青光祿大夫集賢殿

學士別知院事尋遷工部侍郎又拜嶺南道節度觀

察等使兼御史大夫

云

云

以較本傳亦詳略互異碑

又云始自登朝爲中書令張曲江所器而傳惟云張

說稱其才曲江之於燕公並有見知之譽獨載燕公

金石錄卷之三十一  
何也碑後題銜表姪前河南府參軍張平叔題諱顧  
亭林記顏氏家廟碑云今人自述先人行狀而使他  
人填諱非古按此則唐人已有了是矣

潛研堂金石文跋尾云右彭王傅會稽郡公徐浩碑  
亡其下截每行止存二十九字其文河南少尹張式  
撰書石者據金石錄爲浩之次子現字畫道勁猶能  
步趨家法碑稱其歷官甚詳其爲太子校書集賢殿  
待詔改鞏縣尉拜右拾遺又授河南府司錄代宗時  
再兼集賢殿學士皆史所未載傳稱越州人碑云東  
海邨人者舉其族望也又按肅宗子彭王僅薨於肅

宗朝子鎮爲常山郡王無嗣彭王者憲宗子彭王惕受封在大中六年距浩卒已久唯高祖子彭王元則之曾孫嗣王志疎或其時尙存而季海爲其傳乎

中州金石記云碑云除襄州刺史加本州防禦使賜金印紫綬及京師失守翠輦西巡成都公詣行在所口中書舍人集賢殿學士時鸞輿未復鶴詔急宣尤資倚馬之能多類奮鞭之速公虔恭法口咫尺天顏握管風生落牋泉灑又云以本官兼尙書右丞封會稽縣開國口是浩自襄陽防禦使遇安祿山之難遂從明皇在蜀授尙書右丞新舊唐書旣遺浩趨行在

之事舊書則云安祿山反出爲襄陽太守本郡防禦  
使賜以金紫之服誤以安祿山反在浩爲防禦之前  
又云肅宗悅其能加兼尙書右丞亦誤以元宗爲肅  
宗矣碑又言當時以陷賊衣冠正名同惡百辟會議  
三司定刑其徒三千將寘重典公廷諍三進竟獲減  
論是浩當時救陷賊官有力與李峴議同此實不朽  
之事史俱不載何也浩墓在偃師故碑云葬于東都  
偃師縣先塋之左今移碑至學懼其日久遂致迷失  
也寶刻類編云彭王傅徐浩碑張式撰次子峴正書  
并篆額表姪張平叔題識貞元十五年十一月立在

洛今缺峴名墨池編稱徐峴善書工行草石曼卿得

其石刻屢稱於人其書信有父風

案峴依碑從山者疑傳寫誤

授堂金石文字續跋云碑後題銜稱表姪前河南府  
參軍張平叔題諱新唐書食貨志戶部侍郎張平叔  
議榷鹽法事弊請官糶鹽可以富國李渤傳載度支  
使張平叔斂天下逋租昌黎集論鹽法事宜狀議張  
平叔所奏蓋其歷官參之此碑皆可畧見然終爲一  
計臣而已題諱之古前跋已言之近校潛研堂金石  
跋尾謂周益公跋初寮王左丞贈曾祖詩末題通直  
郎田稼填諱据爲宋人已有之不知唐固有之而錢

君未見此碑全本也又麻衣子神字銘有云南陽貢士李珩填諱碑由亭述魯翀二男字述魯遠書文時父已沒矣因于親諱倩人填之君子之于名終其慎如此寶刻類編謂張平叔題織織卽諱字轉訛

復案碑前列朝議郎守河南少尹飛騎尉賜緋魚袋張式撰次子朝口郎缺書并篆額舊唐書張正甫傳

初兄式大歷中進士登第繼之以正甫式子元夫傑夫徵夫又相次登第太和中文章之盛世共稱之此撰文張式者卽其人也式在貞元間爲河南少尹旣又爲尹德宗紀貞元十六年九月以河南少尹張式

爲河南尹水陸轉運使于時位已顯矣今府志職官  
竟佚之碑載徐浩父嶠之銀青光祿大夫洛州刺史  
贈左散騎常侍舊唐書浩本傳父嶠官至洛州刺史  
誤也嶠作單名新唐書作嶠之與碑合宜依碑爲據  
浩歷官與兩書所載詳畧互異然攷其治蹟多可稱  
述蓋應辟東都畱守爲從事有河清俚人僞作符命  
公明徵篆口悉驗其姦幽陵始禍公以官在職司志  
當靖亂馳驛詣闕陳謨納忠及肅宗旣立當時以陷  
賊衣冠正名同惡其徒三千將置重典公上引大易  
三驅口口口口惟輕之義廷爭三進竟獲減論攷舊

唐書刑法志兩京衣冠多被脅從至是相率待罪闕  
下而執事者務欲峻刑以取威盡誅其族以令天下  
議久不定竟置三司使以御史大夫兼京兆尹李峴  
兵部侍郎呂誼戶部侍郎兼御史中丞崔器刑部侍  
郎兼御史中丞韓擇木大理卿嚴向等五人爲之云  
器誼多希旨深刻而擇木無所是非獨李峴力爭之  
乃定所推之罪爲六等據此碑則浩亦已原情議獄  
矣所謂其徒三千者蓋卽遼奚珣陳希烈諸受賊汗  
之族黨也又楊旻微病久政歿于南海馮崇道陰姦  
伺口盜據新口公拜嶺南觀察等使折簡飛書光明

大信順流鼓口以示不疑既而巖洞請命云史皆未

及張九皋見唐書九齡傳終嶺南節度使故碑云都

故贈太保張公神道碑

存八分書在縣西南經周寨

金石錄唐張延賞碑趙贊撰歸登八分書貞元三年

七月

缺平生缺哀可極也歿缺公諱延賞字延賞河東猗氏

人漢缺王申丞相張公薨缺書中書令缺都謚曰恭肅

光輔缺開元之理必缺臣器公而薦缺名寶符元宗召

見奇之缺恭肅之缺大缺德深於知缺申缺好又山缺

北都公缺兼缺尹定入學中缺節缺書建中缺鞏缺

封缺時都邑缺倚重缺攷缺仍須缺羣心缺聽缺相缺

之化時情所缺弔聘有加缺護喪事缺聞缺沉云尔太

缺繁缺知禁德禮缺如東周之理其在荆楚缺愛成頒

皆因俗施政缺中其缺叔山甫成中興缺山嶽斯可謂

沒而不朽缺天詩云缺盡之孝遺令薄葬布衣瓦器缺

終缺悉缺天之太師缺及皆少實錄其詳則相詔書歷

道碑誌及缺備缺太子缺軒轅缺皇天太保詞烈克光

前缺濟艱難缺思周愛甘嘗荆淚空碑況缺山缺兮缺

內將官馬瞻刻字並模勒

億案碑刻缺甚其文略可成句有貞元三年秋七月  
丞相張公薨於位與新唐書德宗紀宰相表並合又  
載公諱延賞字延賞按本傳延賞初名寶符賜名曰  
延賞今碑下截寶符字完好其云恩恭肅之德賜茲  
嘉名卽其事也然傳不言字延賞又延賞生平歷官  
碑字僅可見有人拜給事中又有歷御史中丞證之  
史文亦不遺此惟碑云以公力竭誠追封魏國公則  
有所未及此亦足補史之疎碑言遺令薄葬以布衣  
瓦器可謂儉而中禮者矣

故贈太保張公神道碑陰

存正書

金石錄唐張延賞碑正書元和八年十二月建附

缺拜殿中侍御史四遷中書舍人歷工部缺大夫缺至

右補闕主客員外郎有高文至性不幸缺纂集其刻於

右方以備遺闕禮缺慶二年土壤咸闕三年家缺於室

變邱墟爲閭里散災稜爲和缺軍缺十省其五郡邑資

儲三獨其缺歸揚子七縣之衝也列爲小缺未逾周月

如有二天化洽數州缺當歸作旱歲之霖今公缺舉正

色而羣心服邊鎮缺剡木爲舟用五行潤下之功息缺

而速性命之際融正氣以發缺今而親臨再相天地之

宜三乘缺置典刑士吏自清乃設堤防禁遏缺大化以

缺朝執意專贊皇猷河南缺有缺轂焚蔬人化於公缺

公興其教我箱千斯揚州銘精缺政均滔滔蜀江來自天

缺師旋弛張柵不戰缺弼留授鉞又命富人

億案新唐書延賞傳大歷初除河南尹諸道營田副

使河洛當兵衝邑里墟榛延賞政儉約輕徭賦疏河

渠築宮廟數年流庸歸附都闕完雄碑河南銘卽指

其事又出爲淮南節度使歲旱民他遷吏禁之延賞

曰食者人恃以活拘此而斃不如適彼而生苟存吾

人何限爲乃具舟遣之勅吏爲修室廬已逋僭而歸

者更增於舊瓜步舟艫津濊而遙繫江南延賞請度  
屬揚州自是行無稽塞碑前第九行作早歲之霖當  
卽指此又累拜荆南劍南西川節度使成都自楊國  
忠討南蠻三屬疲罄及乘輿臨狩糜用百出後更郭  
英又崔寧楊子琳亂益矜僭公私蕭然延賞事爲之  
制薄入謹出府庫遂實碑第十八行滔滔蜀江一段  
當卽指此史稱延賞更四鎮所至民頌其愛今銘已  
有其三信不誣也

贈太傅董公神道碑

存行書在縣西南經周寨

朝議卽守中書 缺

皇太子侍書正 缺

漢興五代孝武思理膠西相陳天人之際王道 缺 重承

衛之崇啓心宣力作率慶士陟恪宗工能續其列公 缺

初肅宗受端命以合兵車思欲去元元於湯火視 缺 采

章 缺 宗御天下 缺 爲文寧彌綸陪 缺 奉常 缺 今上建 缺

修 缺 紀思代天工俾寧方 缺 章 缺 居五 缺 禮 缺 遷兵部

分正宏 缺 節度汴宋亳穎等州觀察 缺 五年二月丁丑

薨於位 缺 優之也初公以 缺 部郎爲出疆從事北方 缺

之勇沛然餘力其爲太府未浹日而理乃弭貂 缺 相使

於北河其往也薊門不開山東多壘習俗缺謀因以鬱

沒憑軾有缺扈缺蹕而旋益缺而不缺黜其爲相也缺

載缺拜章八上然後得請其撫封缺陳缺前不可悉數

爲陳留缺郊也非缺長城缺蘊在雲府悍將鄰諸缺

代缺一邦之人得缺而缺而缺諸侯自膠西新浦主簿

而缺遺缺文學行義克缺人京兆缺

億案碑中截剝蝕文斷已不屬韓太初得張太保碑

因附右有此碑質之於余余命及門李於岸摹搨以

歸就其中可尋繹者攷之知爲董晉也碑載肅宗受

端命以合兵車思欲去元元於湯火下有視草及琛

章等字唐書本傳肅宗幸彭原上書行在拜秘書省  
校書郎待制翰林蓋謂此也碑載代宗御天下乃清  
吏職以爲文憲彌綸下有奉常字攷舊書晉本傳歷  
秘書太府太常少卿又云德宗嗣位改太常卿韓文  
公集董公行狀遷秘書少監歷太府太常二寺亞卿  
下又云又爲太常卿今奉常卽太常也碑與行狀合  
惟本傳言德宗立授太府卿而不及太常此宜以碑  
爲詳碑載今上建皇極以修人紀思代天工有門下  
平章字又有居五年除禮部尙書字遷兵部字分正  
字節度汴宋亳潁等州觀察處等字本傳貞元五年

以門下侍郎同中書門下平章事又云罷爲禮部尙書以兵部尙書爲東都留守皆與碑合惟汴宋毫潁觀察處置等使史畧而不書舊書惟言汴宋亦不及毫潁亦惟碑獨與行狀符也碑載十五年二月丁丑公薨於位行狀亦云十五年二月三日薨於位碑又載初公以禮部郎爲出疆從事卽傳所謂李涵持節送崇徽公主於回紇署晉判官其事同碑又載以祭酒亞相使於北河其往也薊門不開山東多壘卽傳所謂改國子祭酒宣慰恒州其事同碑載拜章八上然後得請卽行狀所云退以表辭者八方許之而傳

原缺

而不紊典禮樂也百神咸秩薦信而不黷其爲相也上  
載元聖下熙百工口柔小物協寧大政推明常古之制  
章叙口理之業粹和而不耀敬讓而不居言陳於前不  
可悉數拜章八上然後得請其撫封也尤爲難理先是  
在宥推恩參授兵柄至有恃凶器以邀好爵者氣燄不  
還風波相沿是邦再亂人用恟恐上以爲陳畱天下之  
郊也非素重臣不可以率先賦政公旣受命與一二從  
事記室儒服而前不待裏言不恃悍衛寬信夷易闡然  
風行長城大蔡蘊在靈府悍將伏罪齊人樂業四隣諸  
侯折中於公居四年政成力疾累求入覲因條陳利病

請制於未然上難其繼以致沒代噫夫一邦之人得公而理失公而亂刦介夫殺大吏猶原燎川潰於不可遏嚮公之嘉猷密疏如前知焉其明智歟董氏在春秋時書法不隱在戰國時贊明命聞於諸侯自膠西而下淳耀益大在魏有司徒昭在蜀有尙書令允扶義納忠以幹機衡其族舊矣公會祖仁琬梁州博士祖大禮贈右散騎常侍考伯良開州新溥主簿贈尙書左僕射三代有令德而無貴仕蕃祉所鍾發爲追崇宜哉有子四人秘書省著作郎全道秘書郎溪大理評事全素太常寺太祝澥等其承學也專其就列也敬祈焉而孤纍然以

哀日於先遠象數協吉以某

集作其

年十月丁酉奉理命

家法薄葬公于河南縣萬安山之原以前夫人南陽張氏繼夫人京兆韋氏祔焉從周禮也惟公自箴化至捐館四十五年無伐善無違德歷官三十六皆以理效聞自建中以還居中分閭再調鼎實一人而已范文子所謂厚德者能享多福惟公有之全道等猶懼懿鑠之不永于後與陵谷之有遷也以德興奉行公之命書者三宜金石刻故蹟其誄諡而爲之銘其詞曰

后王財成雋又昭明以建皇極甫申居內方邵理外周邦是式於惟隴西求福不回文武宣力調和公餗整訓

長轂柔惠且直膠西章章道可佐王屈相下國歸代儲  
慶至公口盛位實配德子子千旗昔往浚都俗旣紓息  
翻翻素旗今旋洛師人川悽惻惟是壤樹資於四布萬  
安之側德輝在茲永代有詞予以篆刻

復案碑文殘剝旣據文苑英華補錄全文又參以新  
舊唐書載其事蹟並相符同惟列有子四人秘書省  
著作郎全道秘書郎溪大理評事全素太常寺太祝  
澥等昌黎集董晉行狀溪作全浞澥作全澥此二子  
命名蓋微有異唐書宰相世系表又單名作浞然碑  
當時所刻宜爲定本也虛谷原跋意是碑書石爲王

任今檢寶刻叢編引集古目錄唐宣武節度董晉碑  
唐中書舍人權德輿撰皇太子侍書殿中丞王伾書  
碑以貞元十五年立正與虛谷懸同而書法整雅深  
有矩式然則伾當時挾一藝足爲受知于上亦信有

以哉

碑云考伯良表作伯氏誤

右僕射王光謙碑

佚

金石攷貞元二十九年

故左拾遺內供奉贈使持節舒州諸軍事舒州刺史

缺

寶府君神道碑

存正書元和三年十月舊在蔡庄廟內移入明倫堂  
朝議郎侍御史內供奉上護軍太山羊士諤撰

第十一姪朝議郎尚書右司員外郎易直書

金石錄左拾遺竇叔向碑羊士諤撰竇公直正書元  
和三年十月

通志金石略竇叔向碑姪易直書

有唐左拾遺贈使持節舒州諸軍事舒州刺史扶風竇  
公洎夫人汝南袁氏繼室贈缺太君元和二年秋八月

十七日缺

丹陽缺

金山克葬於河南之偃師北原發慶

口名凜然口口聖社口賢人缺

缺

御史中丞口口口立于

東階之口以先大夫之家傳虔展於口府君敢揚其不

朽之口烈用刻缺祈缺右缺居平陵缺於漢口口多元

侯上將亦缺河郡公缺代祖紹左武衛大將軍改封在

平公高祖善衡口口郡守缺平孝缺同昌口司馬建節

拖紳偃風變俗口男必缺歲以文缺一方秉中待問口

口口賢士大夫傾缺初游于建昌口定舊知缺仁賢

缺江南陵縣尉帶本官充租庸徙口口郡刺史口抗時

缺寶階及移口口連辟都缺授太子口口口賢缺新

縣口口口書口連年缺儻雅缺當藩魏之口使口觀風

者獻狀缺開詔缺取海歸厚於公時口難旣夷缺文思

在缺於是徵拜左拾遺內供奉數廢口紳之議缺謀泉

奉口而雅什風行雍容內廷俟缺病於權臣由是與

二三諫官缺歿於京口文集七卷口于代嗚呼道光

率口傳缺夫人有子曰常內供奉賜緋魚袋湖南都團

練判官次曰牟缺判官繼室缺太君缺御史口賜紫

金魚袋次曰庠殿中侍御史內供奉鎮海缺次日鞏缺

名藏缺彼門口終爲卿缺人皆口中書令南陽口

包之孫給事中缺女弟孝缺休錫缺德宗皇帝缺克念

遺賢中丞以口器臥龍之姿遇缺爰缺璽書急徵宣室

既聞缺見一缺拜右拾遺遂登口祿驟昇侍御史簡

自缺上心三遷膳部員外郎口守唐州刺史缺兵部缺

御史中丞口口遷節度副使真拜吏部郎中乃執邦憲

其間當缺先朝缺今上嗣位國有大慶家延寵光推恩

王明缺其作缺在廟君缺慎終追遠口者盡在于中憲

乎銘曰

猗與君侯宣力諫臣沃心無隱直質而文賡歌栢梁缺

接武泉缺神化綢繆言責其道屈伸斯入損益盡忠稱

職事光運迫令嗣執憲缺三朝匪躬易著口口詩缺石

竒啟字缺吁嗟後昆觀德無窮

元和三年歲次戊子十月己酉朔五日癸丑

億案碑漫滅又以字畫纖瘦益難尋識近用細灰墁

其上乃粗可讀今所存有云扶風寶公伯夫人汝南

袁氏繼室贈臨汝太君缺元和二年秋八月十七日

缺啟殯自丹陽郡克葬於河南之偃師缺下有河郡

公三字缺代祖紹左武衛大將軍改封荏平公數字

獨完好質之新唐書宰相世系表寶武之後又有敬

遠封西河公昌黎集寶牟墓誌銘六代祖敬遠常封

西河公今碑河郡公卽西河公敬遠也於牟爲六代

祖於叔向當爲五代碑代祖紹上缺一字當作四代

矣然下文又有高祖字始於叔向推爲四代則紹非

四代也疑缺字仍作五代而西河公於叔向乃六代  
文公誌竇牟墓或因其家譜狀有六代祖之文遂以  
牟爲斷也紹爲左武衛大將軍改封爲荏平公表旣  
不載紹惟云敬遠孫善衡左衛將軍襲西河公以下  
兩世並言襲公以碑證之紹旣改封荏平則善衡以  
逮子孫皆當襲荏平且碑書高祖善衡衡字僅存於  
旁又有郡守字及荏平字缺下乃云考印同昌郡司  
馬是碑已言襲荏平矣今表作襲西河又善衡依碑  
當爲高祖而表亦作曾祖史家謬誤皆此類也叔向  
始末尙有可見者云疾於權臣歿於京口文集七卷

數句下載諸子曰常內供奉賜緋魚袋湖南都團練判官常本傳但言杜祐鎮淮南署爲參謀歷夔江撫四州刺史次日牟缺御史賜紫金魚袋傳亦不言爲御史舊唐書但言賜緋魚袋不載爲御史與新書

同次日庠殿中丞侍御史內供奉鎮海數字皆全寶

墓誌庠三佐大府自庠本傳終婺州刺史而表云漳

奉先令爲登州刺史舊書惟言澤州不及漳登信婺四州刺史州傳表不同必有一誤詳略較異

然於碑所云者皆遺不見錄此史之疎也次日鞏殘脫無文惟羣名位官闕獨備文爲羊士諤所撰士諤爲羣所引爲御史故于羣稱述頗詳有以也書者第

十一姪朝議郎尚書右司員外郎名剗缺依稀爲易直字易直見本傳而表云易直字宗元相穆敬卽其人金石錄誤作寶公直正書非是

中州金石記云金石錄有此碑金石略有寶易直書左拾遺寶叔向碑羊士諤撰未詳卽此其字摩滅棄在牛王廟作供几近始移置學宮其文之可辨者云有唐左拾遺贈使持節舒州諸軍事舒州刺史扶風寶公泊夫人汝南袁氏繼室贈臨汝太君口元和二年秋八月十七口口啟殯自丹陽郡覆金山克葬於河南之偃師按叔向墓在今縣西二十里蔡庄保鞏

愈撰國子司業竇牟墓志銘云葬河南偃師先公尙書之兆次牟卽叔向子也碑又云西河郡公口代祖

紹左武衛大將軍改封荏平公高祖善衡口慶口郡

下缺三字荏平烈考允同昌口司馬又云口夫人有子

曰常殿中侍口口內供奉賜緋魚袋湖南都團練判

口次曰牟下缺又云繼室口臨汝太君有子曰羣御史

中丞賜紫金魚袋次曰庠殿中侍御史內供奉鎮海

下缺曰羣下缺按宰相世系表竇武之後有敬遠封西河

公居扶風平陵孫善衡則碑云西河郡公者卽敬遠

也世系表不載紹當是敬遠之子子叔向爲四代祖

也韓愈寶牟墓志亦無紹可援碑以補寶氏譜系之  
缺世系表叔向祖懷亶洪州都督襲公今碑缺此一  
代其子曰常曰牟曰羣曰庠曰鞏俱見劉昫唐書及  
世系表而官爵與表傳皆異可以參考易直穆敬時  
相劉昫唐書有傳碑稱第十一姪表誤上一格與叔  
向並列宜改正羊士諤者柳宗元楊評事集序云泰  
山人墨池編稱其與韓梓材同在越州亦以文翰稱  
復案碑殘蝕過半所存餘字多不相屬叔向見舊唐  
書子羣傳云父叔向以工詩稱代宗朝官至左拾遺  
昌黎集唐故國子司業竇公墓誌銘同昌諱允生皇

考諱叔向官至左拾遺溧水令注樊曰叔向字遺直以詩自名與常袞善大歷十二年四月袞平章事川之向爲左拾遺內供奉十四年閏五月袞貶河南少尹叔向出爲溧水令碑言徵拜左拾遺內供奉又云沒于京口卽指其事碑載叔向病于權臣與二三諫官缺蓋必其身自糾率寮屬伏闕抗疏致于終貶所謂不負厥職矣碑又載文集七卷口于代新唐書藝文志寶叔向集七卷與此相符

武登碑

佚

通志金石略江陰縣令武登碑長慶三年在東京  
天下金石志武登碑子儒衡撰並書在偃師

歸金石遺文補錄卷五終

邑人

徐

武

淳

思

溪

岐

假師金石遺文補錄卷六

邑人武億虛谷原纂

秀水王復秋塋續補

唐

重修昇仙太子廟碑

佚

金石攷太和四年重修碑行書

贈太師崔公神道碑

佚

趙氏金石錄劉禹錫撰柳公權正書會昌元年五月

太師諱陞字平仲清河東武城人太公望既封於營邱子伋嗣侯伋之孫曰穆伯食邑於崔遂以爲氏後十四世至秦末東萊侯意如東萊之子伯基始居清河又十五葉生口爲魏名臣又九葉生休仕後魏爲七兵部尚書七兵之弟曰寅二太守公卽樂安八代孫始以門閥授鄭州參軍力行好學於子道以孝聞處伯仲間以友聞讀易至編絕以精易聞至德中時有邊警從師出征公少有奇志思越拘孿以自奮乃作伐鯨鯢賦以獻既上聞果器之會第五丞相以善言利得幸盡付利權始有鹽鐵使之官慎選僚屬表公爲臨汾臨晉縣丞

處煩應卒銕刃不頓再遷至大理評事

作大府罷歷河

唐誤

中府司隸參軍太子局議郎韓晉公時爲戶部侍郎掌  
邦賦急於用材薦公爲監察御史主河東租庸之務  
轉殿中侍御史復遷侍御史充京東和鐸使建中初德  
宗始親萬幾儲精治本有漢宣與我共此之歎謂史臣  
求可當二千石良者遂以公帶本官權知袁州刺史期  
月有成詔書顯揚就加其秩益以金紫居無何韓晉公  
爲丞相制國用思公前績乃傳召之抵京師授檢校戶  
部郎中輯池鹽於蒲修牢益謹衡石煎和旣精餽散乃  
盈商通而游至吏懼而循法民不結網而國用益饒歲

杪會其所入羸羨什伯詔下褒其能轉吏部侍郎兼御史中丞且加五等之爵方倚以重任天宮其才而不遐其福享齡六十有五貞元七年二月二日遘疾卒於官上聞悼之卽降愍策贈鄭州刺史齎錢五百萬以備飾終之禮明年八月二日返葬於成周之偃師從世墓也夫人隴西李氏汾州司戶參軍咸一之女生才子六人長曰邠及公時已爲左拾遺後至太常卿次曰邠至外臺尚書次曰邠今爲廷尉次曰鄴至太府卿次曰鄴至執金吾季曰邠自太常卿加同中書門下平章事今爲尚書侍郎平章事如故惟夫人爲姑臧冠族以蘋繁組

劉輔佐君子爲令妻積三十餘年以慈儉忠厚訓誡諸子爲賢母二十有三年當永貞之初順宗踐祚澤流百葉長子邠時爲詞臣草冊書以文當晉階遂上疏乞移榮於親上俞之時封清河郡太君士林聳慕皆自痛其不及邠爲太常鄴爲大農咸白髮貴綬以奉膳羞諸季皆翩翩人傑各以簪裾給事左右愉愉然承順無違鼎鐘致養居然一室雍熙太和言世榮者舉無以比以子貴累封贈至涼國太夫人元和八年三月十六日捐館舍壽七十有九是歲十月十八日合祔爲太常及尙書暨今相國皆自中書舍人爲禮部侍郎凡五貢賢能書

得士百四十有八人言兄弟者許爲人瑞崔氏之門六  
人皆入南宮賜金紫其間三人歷入侍郎統而論四卿  
一相兩連率二翰林學士一執金吾言冠冕者許爲世  
雄與姑臧李范楊盧世爲婚媾入於婚黨無第二流言  
門閥者許爲時表太常二子亦以才能同入尙書璜爲  
吏部郎瓊爲司勳郎其他支孫未登金閨籍者說說然  
魚貫而進文業甚富而孝謹不衰猗歟君子之澤其所  
從來遠而有永已開成己未歲七月甲辰相君受詔於  
朝廷始操國柄冬仲月奉常事於家禮成起慕悄然永  
懷曰古者卿大夫廟有鼎墓有碑皆銘之以紀先德也

今備位宰相敢不敬前人之耿光乃俾家老條曰  
資於學古者徵其詞尙信也又命宗祝卜柔日吉於廟  
盡誠也儀甚備而敬有餘斯所謂達禮之君子遂刊勒  
如式揭於道周銘曰

奕奕四姓崔爲之冠瞻其門墻倬若雲漢善積家肥子  
孫多才如彼椽棟必生徂徠太公之後彌三十祀業如  
貫珠倬見圖史顯允太師丕承德基構於其堂亦旣墜  
茨生逢藟虞中外交師獻賦伐叛忠存乎詞兵興事業  
飛輓四馳歷踐職劇視險如夷乃主平糴乃分符使治  
粟爲邦其道一致蒲實近地鹽爲利法使車來思剗弊

立程吏廉商通歲倍其贏奏課連最德音張明孰如執  
法好爵兼榮天付之才不與壽並生樹德本歿揚淑聲  
里巷罷舂音樂爲停贈禭之禮冠於公卿萬石貽訓根  
於孝友太公種德乃稔身後家有令子妻爲壽母二十  
餘年人倫之首六子來侍如龍如虎衆婦來饋維筐及  
筐佩玉鳴環交響庭戶申申秩秩歡不踰矩昔爲望族  
今爲則門天爵人爵蔚然兩尊先德陰隲勲如垂雲孕  
和合粹濯澗水根景毫之原圖書之川湯陵帝壇磅礴  
迴環世安其神世嗣其賢聆德音者拜於碑前

億

案文苑英華作權德輿撰惟金石文字記作劉禹

錫撰與趙氏同是顧猶覩搨本也其亡不知於何時  
當爲土人挪置埋沒耳碑全文載縣志以新唐書崔  
邠傳證之父陞三世一爨當時言治家者推其法至  
德初獻賦行在肅宗異其文卽碑云伐鯨鯢賦以獻  
者也又傳言位吏部侍郎宰相世系表言陞御史中  
丞與碑轉吏部侍郎兼御史中丞合而舊唐書邠本  
傳父陞官卑按此碑已位侍郎中丞爲正四品官不  
爲卑矣陞卒於貞元七年二月明年八月返葬成周  
之偃師從世墓也然則崔氏塋域居此久矣宜其子  
孫皆附葬也碑首言伋之孫曰穆伯食邑於崔遂以

爲氏宰相世系表齊丁公伋嫡子季子讓國叔乙食  
采於崔遂爲崔氏與碑所稱穆伯差隔一世碑言十  
四世至秦末東萊侯意如表云十五世孫意如爲秦  
大夫亦不相符碑言生才子六人長曰邠次曰鄆次  
曰郇次曰鄆次曰鄆季曰郇今表以鄆次在邠下又  
多邠郇二人則爲八子矣舊唐書崔邠傳以鄆居郇  
郇之上此皆宜以碑正者也銘詞云湯陵帝壇世安  
其神崔氏墓亦于斯可案而湯陵旣稱有壇則當時  
必有典祀也今湯陵尙存久缺享祭矣

復案新舊唐書載陞歷官甚畧今依碑補之仍爲臨

汾臨晉縣丞再遷大理評事歷河中府司錄參軍太子局議郎監察御史轉殿中侍御史從遷侍御史充京東和糴使袁州刺史檢校戶部郎中轉吏部侍郎兼御史中丞加五等之爵卒贈鄭州刺史又陞筮仕之始卽受知于第五琦碑云第五丞相是也琦以善言利得幸盡付利權始有鹽鈇使之官新唐書琦本傳勾當江淮租庸使河南等五道支度使諸道鹽鈇鑄錢使鹽鈇名使自琦始亦與碑合又碑載太常二子亦以才能同入尙書璜爲吏部郎璜爲司勳郎表言璜吏部郎中卽碑吏部郎也璜字汝器吏部尙書

書其所終官也而表以璜爲邠子以瓊爲鄴子則與碑稱璜瓊皆爲太常之子不相符矣當爲表文有誤贈太尉李固言碑

佚

金石錄李珣撰三從姪儔書大中六年二月

億

案李固言見新唐書固言以太子太傅分司東都卒年七十八贈太尉與碑題合撰文李珣亦見新書云開成中楊嗣復得君引珣同中書門下平章事李固言皆善宜其爲之詞也

復

案府志引金石錄僅載其目今依趙氏跋尾補之

按新唐史列傳云固言自河東節度使以疾爲太子少師遷東都留守宣宗卽位遷右僕射後以太子太傅分司東都卒以碑考之其初爲東都留守九月卽以本官分司而史不書宣宗時爲僕射再遷檢校司徒東都留守而史亦不書其卒也史云年七十八而碑云年七十六亦當以碑爲據

殘經幢補

存正書大中十二年在治東五龍廟

復案經幢殘損僅有二面首行唐興善寺大德贈司下缺此述譯經文之人蓋指不空言之不空常贈司

空疑司下缺字爲空字也後有大中十二年三及皇

妣范陽盧諸字

缺

馮氏大王廟記

補

存正書大中十四載三月

宣武天平兩軍押衙兼侍御史焦宗口口

大唐太子口王卽位之時寰宇廓清夷夏肅睦口台輔

相五位司佐各得其人以口口事旣口之後口口口

於神州缺口公其敬我口口以故爲口記口口口必在

實能其事非假文飾口口以其缺口口口度其力神靈

口化口口不可測其口口口口秋冬口諸春夏口之口

矣□□□□□元冥

缺

水□□□□□芳□□□此

神□□□福之時□□□□除禍□□默□肅除是

知稽之不得□之虛以此論

缺

□□□□□□□□

□□古今名□□□山林與川谷之□□雲□風雨之

靈有巨益于人倫可祈請于

缺

大王□□□□□大王

姓馮氏□□□□前代至德位繼北□□之後□神

所□因立其祀以之□□爲洛陽城北在縣之

缺

山之

□□□其□別□□卽未詳□每□在其地也□得□

□□□存其祀焉是宰君禋□旣□□□□敬

缺

□□

□精修殿宇非□人無以發其操非□力無以□其助

有口之口則宣武天平兩軍押衙兼侍御史焦公之謂也缺忠謀口遇賢明以智操謀口口不仕偶因假日口

衙還遊見此口宇傾塑容破損口口其願口再修口捨

已存之資缺自家之玩好則仍口口口遠市良材所

用七百餘千並是獨置復有助力之士爰師數人卽以

乘車服牛引動缺遠有太原王氏口口則般運材木瓦

石無口口口口名口卽供須五行水火不口更有數

十良士亦助力成雖不缺口口亦以傳口姓字矣口口

口再修成就大殿居口每面三間徘徊一十六柱殿前

亭子重修精口外有缺口口中見口蛇之狀口口韶樂以

設□□亦可以夏去□□冬□□雪南面□□□後

方□庫□□□壁□□周迴缺□庭□□□□映帶

兩廂殿□□有虛廊挾其掖於是□字之下皆以□□

丹彩□飾光嚴上棟下梁缺雨其次則□□安翠瓦望

之有若團烟砌用青磚觀者猶疑見及夫人之塑質易

龍儀裳加以童僕二人置缺左右侍衛□力車馬馭官

亦□塑成立□其所至於天地曹府及岳瀆神祇騎從

武□等則皆以繪畫文彩望之缺賢有若周武王時太

公所識者五大夫之□所修起□都在涪灘之年始從

中呂之初終近應鍾之末其山缺□近皇都□汭伊□

分明咫尺晉緱山之地斜望東南季倫金谷之川俯

阡陌以南臨口苑是周王幽口之田缺口自長河卽杜

氏建橋之所誠可以風雷約口口見雲雨由是興爲卽

知神之格思不可度思信非口矣旣而利用出入缺咸

用之則誠可敬則報恩祭則受福觀此特修畢口神理

之不口亦可使後代詳之缺後星口蓋以因循閒而不

口時有當口者宿首陽口賞者以忠誠孝悌公私克從

口口口中有一神缺有馮大王廟記何不口成口神

理之閒口口文字爲據矣口口遺口時警覺口意思

之口口異口同缺是口今旣若此應須力口然則焦侍

御符修匠用口貨口口記述不可自  
口寬仁 缺 衆齊心共置先已轉石磨塚方  
口辭之不獲口口凡筆聊述其事用口殊功俯賜 缺時  
大中十四載上章之年春三月八日記其次共助立石  
碣記文等具如後 宋從諫

復 案馮熙十二代孫元德等當咸通八年新廟碑云

大中六年六月洛之豪族孟州長史焦宗美特舍家  
財大新厥宇此碑記修殿宇宣武天平兩軍押衙兼  
侍御史焦宗口蓋卽其人文拙滯但廟之興建詳已

歙州刺史邢君墓誌銘

補

佚

金石考太和缺年杜牧之撰

亡友邢渙思諱羣牧太和初舉進士第於東都一面渙  
思私自約曰邢君可友後六年牧於宣州事吏部沈公  
渙思於京口事王并州俱爲幕府吏二府相去三百里  
日夕聞渙思飲助并州鉅細合宜後一年牧奉沈公命  
北渡揚州聘丞相牛公往來留京口并州峭重入幕多  
賢士京口繁要游客所聚易生譏議并州行事有不合  
理言者不入渙思必能奪之同舍以爲智不以爲顛并  
州以爲賢不以爲僭侵游客贊不肖不能議以一詞公

事實懼渙思口未言足未至口若不圖收曰往年私約  
那君可友今真可友也盧丞相商鎮京口渙思復以大  
理評事應府命今吏部侍郎孔溫業自中書舍人以重  
名爲御史中丞收以補闕爲賀客孔吏部曰中丞得以  
御史爲重輕補闕宜以所知相告收以渙思言中丞曰  
我不素知願聞其爲人收具以京口所見對後旬日詔  
以爲監察御史會昌五年渙思由戶部員外郎出爲處  
州時收守黃州歲滿轉池州與京師人事離濶四五年  
矣聞渙思出大喜曰渙思果不容于會昌中不辱吾御  
史舉矣渙思罷處州授歙州牧自池轉睦歙州相去直

西東二百里問來人曰邢君何以爲治急於束縛黠吏  
冗事弊政不以久遠必務盡根本牧曰邢君去縉雲日  
稚老泣送於路用此術也復問問曰何爲曰時飲酒高  
歌極歡牧曰邢君不喜酒今時飲酒且歌是以不用繫  
慮而不快於守郡也復問曰日食幾何曰嗜羸肉日再  
食牧凡三致專書曰本草言是肉能閉血脈弱筋骨壯  
風氣嗜之者必病風數月渙思正握管兩手反去背仆  
于地竟日乃識人果以風疾發舟東下次於睦兩扶相  
見言澀不能拜語及家事曰爲官俸錢事骨肉親友緣  
手皆盡蓋壯未期病病未期死今病必死未死得生至

洛幸矣妻兒不能知矣君進士及第歷官九歷職八始  
太子校書郎協律郎大理評事監察御史京兆府司錄  
殿中侍御史戶部員外郎虜州刺史欽州刺史職爲浙  
西團練巡官觀察推官度支巡官再爲浙西觀察推官  
轉支使爲戶部員外郎判度支案代劉稹爲制使使鎮  
魏科軍食賜緋服銀章初副李丞相回再副高尙書銖  
撫安上黨三面征帥大中三年六月八日卒於東都思  
恭里年五十邢氏周公次子靖淵封爲邢侯國滅因以  
爲氏西漢宇爲太尉子綏爲司空會孫世宗光武時爲  
驃騎將軍世宗元孫口因居河間當曹魏時參太祖丞

相事終於太常邢有河間南陽君寶河間人大常後也  
後至晉魏已降皆有官祿唐麟臺郎仲舉於若爲曾祖  
麟臺生奉天令待封奉天生緱氏丞至和君卽緱氏子  
兩娶前夫人隴西李氏忠州刺史佐次女今夫人南陽  
張氏壽州刺史植女四男曰懌愔溫郎壽郎用某年某  
月某日葬于偃師縣某鄉某里某原葬有月日其孤立  
使者哭告于樞來京師請銘銘曰

十五知書二十有文三十登進士五十登刺史才能溫  
良并包與之而止於斯七政在天一週一旋差以釐數  
能窮如賢賢者多天不肖壽攻誰爲聖魁孔不能究無

可察何付之以命曰如命何

復案邢羣墓誌銘久佚無考今依樊川集錄其文備

之誌云太和六年牧於宣州事吏部沈公是爲沈傳

師也舊唐書杜牧本傳沈傳師廉察江西宣州辟牧

爲從事又傳師本傳轉宣州刺史宣歙池觀察使入

爲吏部侍郎太和元年卒此誌稱吏部是也新唐書

傳稱其僚佐如李景讓蕭寘杜牧極當時選云然牧既以太和六年於宣州

事沈公而傳云太和元年卒蓋傳所書必有誤矣誌

又云後一年牧奉沈公命北渡揚州聘丞相牛公是

當太和七年傳師又未卒傳何遽謂然也新唐書本

傳沈傳師表爲江西團練府巡官又爲牛僧儒淮南節度府掌書記以誌證之殆爲傳師推引于僧儒其後主客相契之深信有自哉誌云牧守黃州歲滿轉池州又云自池轉睦與史載歷黃池睦三州刺史合牧與邢羣爲友所稱羣皆關體要最末書羣大中三年六月八日卒于東都思恭里金石攷題爲太和缺年失之不攷也

缺  
大夫行太子左庶子分司東都上柱國范陽盧君墓誌

存正書在縣學明倫堂

范陽缺郡人也其先齊太公之缺刑部員外郎諱莊

道缺公之伯仲頡頏缺宣州宣城縣令轉太子左庶子

先夫人缺徐氏追缺太夫人缺王父諱缺太子正字

秩滿攝度支巡官是歲京師大旱缺郎奏公充考試官

其人他邑有殺人亡命者缺有日矣府尹以公清白

公求證驗缺卽于公之陰德無以過也由是遷缺改

監察御史缺行府缺揚州院事轉殿中侍御史缺京兆

府缺曹缺於神州第名爲轉春官缺時爲得人故相國

崔公諱鄆內供奉缺府揚厲當官從容缺府風望尤缺

之公曰缺使公爲副缺享年七十有三缺殆七八年缺

月十五日缺於里之私第其年歲在丙子四月十

三日先府君之也夫人清河郡君崔氏出女

八缺河南福昌縣丞訓當必光其門缺

郁郁盧氏門傳祖訓薦能拔義夙昔山松

楸

億案誌久漫滅賴韓太初諦審竭目力者二日文句

乃略可讀題銜有盧字及銘文郁郁盧氏句證之首

行范陽字其先齊大公字於是氏姓始備誌叙盧君

先世有刑部員外郎諱莊道質之新唐書宰相世系

表大房盧氏莊道刑部員外郎以此歷數下五格內

有錯爲左庶子誌題亦稱行太子左庶子又誌稱公  
之伯仲頡頏據表列銳平陸尉鉢大理評事綱睦州  
刺史鈞字子和太子太師下卽錯下又列庚檢校比  
部郎中昆季蓋極一時之盛亦與誌文合則知盧君  
卽錯也誌稱于公之陰德無以過是盧公又嘗雪冤  
獄爲良吏之最其名不泯於後也宜哉

復案誌銘後云月十五日口口里之私第其年

歲在丙子四月十三日缺則薨年與卒年並同一年

銘既有故相國崔公諱聊字攷新唐書聊本傳宣宗  
初以檢校尙書右僕射同平章事節度淮南卒于軍

是丙子當爲宣宗大中十年矣

故淮南節使贈司空口郡李公神道碑補

殘正書無年月在縣兩程書院

去冬缺所難缺語缺拜缺是時缺公次缺者令問缺

子缺宮缺王可缺色口出爲缺穎缺文宗山陵使仍口

戶部缺宗卽位缺封門下侍郎缺縣令皇帝缺賓一百

一缺言不缺仕四十缺其事缺去藁草人無知缺餘首

淮南缺被缺夫人瑩缺以納缺降生缺皇屏缺冠以文

行著及舉進士缺出爲下邳令戢豪右缺兼拜殿中缺

楊志缺效缺知缺聖德臣在近缺餘年缺宰相缺訓等



陽節度使李珣墓在治西北有墓碑卽指此然不知碑已毀于前明而附會書之也碑無年月可見舊唐書傳珣大中七年卒碑之立蓋益後矣

唐建後魏洛州刺史侍中兼太師昌黎馮王新廟碑存正書咸通八年十一月在縣西三十里鋪北

十二代孫鄉貢進士元德述

弟進士元度篆額

弟進士元錫書

王諱熙字晉昌冀州長樂人也伯祖諱跋建國北燕傳位於昭成皇帝諱宏卽王之烈祖也魏太武帝滅北燕

徒其家屬於代王以帝者子孫遂交婚於魏空魏文帝  
帝納王妹爲后卽文明太后是也王尙博陵長公主因  
敬慎博愛歷事三朝累拜冠軍將軍侍中中書監太傅  
太師之任進爵昌黎王及魏孝文帝卽位前後娶王三  
女且二爲后一爲昭儀文明太后臨朝王以師傅之重  
寵極禁壺內不自安求外任爲洛州刺史侍中太師如  
故洛陽經永嘉大亂之後宮寺毀廢王爲政仁恕而酷  
信釋教凡出俸祿於諸州鎮建佛圖精舍合七十二處  
今之廟地舊建北邙寺乃其一也今佛圖基址尙存其  
寺碑文中書侍郎賈元壽所製孝文每登寺讀碑嘉歎

不已後徵歸代遇疾而薨屬遷居洛京遽詔有司爲辦喪事公主先薨命開其墓並二柩俱向伊洛皇太子赴代迎弔將葬贈假黃鉞侍中督十州諸軍事大司馬太尉冀州刺史加黃屋左纛備九錫羽葆鼓吹有司奏諡曰武孝文爲撰誌銘縗服親臨墓所以前魏書備載其事但不言封樹之處及廟立之由墓與廟當不相遠也其廟豈州人思王之德衆所建乎不然寺沙門所置也至今爲洛北之望祀年代淺遠雖牲牢日享而窒壁修頽大中六年六月洛之豪族孟州長史焦宗美特舍家財大新厥宇兵衛儼列廟貌益崇愚別墅寄溫谷川東

走十里直王之廟每見遠近里社吹鼓啾管以趨赴及  
問王之名位爵邑皆失其傳乃乘暇謁拜碑板埋滅莫  
識何從退尋家牒考於魏史是知卽余之十二代祖也  
伏念甘棠勿剪召德實思若非積化深洽卽何能五百  
年之後而血祀不絕乎恐盛烈沉翳無復彰明不敢多  
文遂斲石重紀大唐咸通八年歲次丁亥十一月壬子  
九日甲辰刻十二代孫元規元胤元質元靜並前八人  
同建立孫璋錡

案廟碑爲馮熙十二代孫元德等八人斲石重紀  
以好事者揚摹不及石幸得完好其文序列馮熙事

蹟並依魏書然攷熙本傳熙長樂信都人今碑則云  
冀州長樂人元德所述蓋以唐地里爲據當失其實  
又碑言洛陽經永嘉大亂之後宮寺毀廢質之傳文  
洛陽雖經破亂而舊三字石經宛然猶在熙與常伯  
夫相繼爲州廢毀分用大至頽落則石經敗沒熙實  
爲首俑而碑惟以永嘉之亂歸於兵火焚棄嗚呼此  
豈足以蓋厥愆與傳載熙爲政不能仁厚而信佛法  
碑反言爲政仁恕其過爲曲諱尤不可掩者余故備  
著之以見子孫溢美之詞不足依也

復案馮熙新廟碑云今之廟地舊建北邙寺乃其一

也伽藍記亦云北邙山有馮王寺殆以寺爲縣名  
故號云馮王其名至今尚存治西義井鋪馮王廟是  
也頃承事縣志者謂此馮王廟卽北魏平等寺蓋失  
考焉碑陰有大中十四載修廟記此碑咸通八年立  
蓋因舊碑鐫勒爲之

鄭畋謁昇仙太子廟詩

存正書乾符四年閏二月在縣南緱山下仙君觀

在昔靈王子吹笙遡沆寥六宮攀不住三島互相招亡  
國原陵古竇天歲月遙無蹊窺海曲有廟訪山椒石帳  
龍蛇拱雲樓彩翠銷露壇裝琬口真象寫松喬珠館青

童宴琳宮阿母朝氣輿仙女侍天馬吏兵調湘妓紅絲  
瑟秦郎白管簫西城邀綽約南嶽命嬌嬈句曲觴金洞  
天台嘯石橋曉花珠弄藥春茹玉生苗二景神光秘三  
元寶籙饒霧垂鴉翅髮冰束虎章腰鶴馭爭銜箭龍妃  
各獻銷衣從星渚浣丹就日宮燒物外花常滿人間葉  
自凋望臺悲漢戾闕水笑梁昭古殿香殘地荒階柳長  
條幾曾期七日無復降重霄嵩嶺緹天漢伊瀾入海朝  
何由得真訣使我佩環飄

余大中八年爲前涓南縣尉閑居伊洛常好娛遊春夏  
之交獨登嵩少路由緹嶺謁昇仙太子廟雲霞之志於

是浩然遂構詩一章用申凝慕今者謬塵樞務已及門  
年忽覩成庶大夫奏牋請以元元廟李尊師配佳賓天  
觀則知緱巖虛宇儀象重新輒寫舊詩記王公請標題  
於廟內乾符四年閏二月三日開府儀同三司行門下  
侍郎兼兵部尚書平章事監修國史鄭畋記

億案鄭畋詩一首附記云余大中八年爲前渭南縣

尉閒居伊洛常好娛遊按新唐書畋本傳以書判拔  
萃擢渭南尉父喪免宣宗時白敏中令狐絢繼當國  
皆怨德裕其賓客並廢斥故畋不調幾十年舊唐書  
本傳載畋自陳云臣會昌二年進士及第大中首歲

書判登科其時替故昭儀節度使沈詢作渭南縣尉  
兩考罷免然則畋自謂閒居伊洛蓋由此也又云今  
者謬塵樞務已及四年宰相表乾符元年鄭畋爲兵  
部侍郎翰林學士承旨計此時標題之歲正在四年  
與史悉合畋崎嶇危難忠以濟主故得其詩記尤可  
喜也畋名殘其半然推證悉顯據而金石攷謂無姓  
名豈未見末幅耶

詩在昔靈王子

刊本在  
作有

三島互相招

刊本互作去  
縣志誤作却

花珠弄葉

刊本晚  
作晚

龍妃各獻納

刊本妃誤作紀各作  
合說嵩妃誤作飛

物外花長滿

刊本長  
作嘗

嵩嶺緬天漢

刊本紀  
作連

今悉依石

本爲正

中州金石記云朱長文墨池編有此詩詩爲五排字  
似石經體後有序云余大中八年爲前渭南縣尉又  
自署云開府儀同三司行門下侍郎兼兵部尙書平  
章事監修國史案劉昫唐書鄭畋傳云畋字台文滎  
陽人也以書判拔授渭南尉又云乾符四年遷吏部  
侍郎尋降制曰可本官同平章事僖宗上尊號禮畢  
進中書侍郎進階特進轉門下侍郎兼禮部尙書集  
賢殿大學士頗與碑合惟史誤兵部爲禮部當以石  
刻正之傳又稱畋文學優深器量宏恕美風儀神采

如玉尤能賦詩與人結交榮悴如一然則當益貴其

詞翰矣補

大佛陀羅尼經幢補

存正書乾符六年八月在治東五龍廟

復案經幢前錄畧著其目今重爲校定其文首稱孤

子楊涉伏爲先考尙書先妣蘭陵夫人敬立斯幢奉

薦冥福謹記大唐乾符六年八月天宮寺沙門歸塵

書畢攷舊唐書楊巖傳乾符四年累遷兵部侍郎五

年判度支其年卒二子涉注以此幢稱孤子楊涉卽

其人也涉于父巖稱先考尙書當是旣卒贈官史畧

之不書傳言涉注兄弟二人表尙載石洞一人然涉  
爲嫡長稱孤故于兩弟言等以舉之沙門歸學書畢  
亦異于他文題書丹書石蓋金石刻變例也涉伯父  
收本傳載其上言先人未葬旅殯毗陵擬遷卜于河  
南之偃師諸兄弟自往從之新唐書假字仁之仕終  
常州刺史收與昆弟護喪葬偃師會者千人據是則  
涉之先墓在偃師或嚴亦附窆於此而涉爲之追薦  
與今縣志陵廟錄未之及是爲疎也已

鄭珏昇仙廟興功記

存八分書乾寧四年正月在縣南緱山下仙君觀

尚書禮部郎中賜緋魚袋李綽撰

夫大道陽教重元妙理存虛無之蹟合恍惚之言則有  
周靈王太子駕鶴冲天遺廟之所在也絲祀千百與世  
瞻依而棖棟侈傾塗墜摧剝肅恭奚展焚醮無歸今河  
陽行軍懷州刺史僕射清河張公卽畱守太保相君之  
令弟游心衆妙秉志出塵省日費之資託星冠之侶鳩  
工合力易朽爲堅扶曲檻於層巒正飛甍於絕巘辟容  
可久勝事一新雲路重開庶覩寶天之駕風篁無廢如  
聞夜月之笙觀主蘇尊師以充就厥功宜刊貞石謂綽  
執趙昇之敬沐穰苴之仁猥命撰詞不敢堅摠時乾寧

四年正月三日記

觀主道士蘇鎬

前進士鄭瑀書光化三年添前字

億

案李綽記此廟興功所自者有云今河陽行軍懷州刺史僕射張公卽畱守太保相君之令弟案唐開守東都有張延賞贈太保至乾寧時代迴殊且系亦不出清河攷五代史張全義傳全義爲河南尹記所指留守卽謂其人然亦惟加拜太師未嘗言太保或史文從略不書也全義有弟全武當全義爲河陽節度使而全武爲河陽行軍懷州刺史亦權位所必及者然則記云僕射清河張公信可推矣記後列前進

士鄭珏書下小註光化三年添前字案據言得第謂之前進士則珏書記時猶未第也歐陽五代史鄭珏傳珏父徽爲河南尹張全義判官珏少依全義居河南舉進士數不中全義以珏屬有司乃得及第今列銜稱前進士者殆謂此也

復案記前稱尙書禮部郎中賜緋魚袋李綽撰唐書宰相世系表李氏南祖房紆曾孫有綽字肩孟不載其官此題銜尙書禮部郎中當卽其人足以補史闕也末題前進士鄭珏書又注光化三年添前字據碑乾寧四年正月三日記數至光化三年正得三年舊

五代史珽本傳光化中登進士第歷宏文館校書集

賢校理監察御史

云

證之碑光化三年添前字蓋

乾寧時爲應進士至此登第故注爲前字是碑云三年較傳稱光化中尤詳實惟虛谷前跋以張公卽全義而斷其爲太保係史文未備余證之舊五代史全義傳開平二年冊拜太保兼陝虢節度使河陽尹又與記文乾寧四年不合疑此爲後更摹上石致有舛易今以記後題前進士鄭珽書獨爲正字與前文八分書非出一手又鐫光化三年添前字則此刻更後於光化矣梁末帝卽位于汴以全義爲洛京留守此

記有留守字疑重刻在此時

李韓撰尙書致實與此時代別當又爲一人

崔公墓誌蓋

存篆書在明倫堂

有唐故湖南觀察使贈兵部尙書清河崔公墓誌銘

億

案誌蓋得自壽聖寺左張氏篆書凡二十字訊之

張氏亦莫知此石從何出土按新唐書宰相世系表

清河小房有瑾字休瑜湖南觀察使舊唐書卽本傳

瑾大中十年登進士第累居使府歷尙書郎知制誥

咸通十三年知貢舉選拔頗爲得人尋拜禮部侍郎

出爲湖南觀察使與誌銘並同豈其人與崔陞贈太

師葬偃師瑾爲其孫屬亦附葬於此理或然與

故舒州刺史何公碑

存八分書在縣西南寧家寨東今移明倫堂

億案何公碑文內依約可見有何出于韓之文上數  
至漢何比干皆其祖系昌黎集送何堅序何與韓同  
姓爲近孫恂唐韻韓滅之後子孫分散江淮間音以  
韓爲何字隨音變遂爲何氏此碑所謂正與此同又  
何君名不可識惟見字延之後以避諱遂以字行其  
畧如此

偃師令崔府君清德頌

佚

天下金石志崔融撰在偃師

顧少連碑

佚

通志金石畧兵部尙書東都留守顧少連碑在西京

張宏靖書

裴氏祖德碑

佚

天下金石志曾孫潏撰并書在偃師

禮部尙書許康佐碑

佚

金石錄書撰人姓名殘缺

復

案府志引金石錄僅載其目今依趙氏跋尾補之云康佐事文宗爲翰林學士侍講文宗嘗讀春秋問康佐闍寺事康佐顧望不敢對後以問李訓訓遂進剪除之計康佐知帝指因稱疾罷爲兵部侍郎甘露之禍李訓實啟之其狂率固有罪然康佐以儒學侍講讀顧問而喑默不對至辭位而去亦可謂全軀保妻子之臣矣

崔邸碑

佚

天下金石志李則書在偃師

趙昌碑

佚

天下金石志歸登八分書在偃師

洪州錄事參軍趙道光碑

佚

墨池編唐緱氏趙道光碑齊抗書

裴曹碑

佚

天下金石志趙博元書在偃師

殘墓誌

存正書無年代藏趙本立家

復案誌石出土卽爲人作礎石捶磨尙有數十餘字  
文已無可次首行誌題有大夫字二行有伊唐字又  
有州刺史字禮義所居字其服太夫人字自遷貶改  
字又有喪明字及馮燕公字余以意讀之蓋唐人嘗  
爲刺史遭貶改官而不幸喪明其事蹟略具如是誌  
石自縣西街某家治墻字得之唐縣治在今縣治之  
西十里此地固猶爲荒原也

偃師金石遺文補錄卷六終

邑人

徐宣方于校  
武穆淳愚溪